



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**

Broj: 02-23-11-1140/13

Datum: 17.05.2013.

**OPĆINSKO VIJEĆE TEŠANJ**

**Predmet:** Informacija o stepenu realizacije projekta „Odvodnja i prečišćavanje otpadnih voda na području općine Tešanj“ /WATSAN FBiH/

Općina Tešanj spada u red općina sa ograničenim količinama vode za piće, odnosno izvorišta pitke vode. Strateško opredjeljenje lokalne zajednice predstavlja zaštita vodotoka na području općine od zagađenja, kako bi se stvorili preduslovi opstanka i razvoja na ovom području. Izgradnja sistema odvodnje i prečišćavanja otpadnih voda na području općine Tešanj ima za cilj kreiranje optimalnog okvira za realizaciju tehničkih mjera zaštite kvaliteta površinskih i podzemnih voda, ali i zaštita zdravlja ljudi.

Projekat „Vodosnabdjevanje i odvodnja otpadnih voda (WATSAN)“ je finansijska linija za realizaciju projekata koji podržavaju interventne mjere u području voda na prostoru cijele BiH. U proteklom periodu, navedenom projektu za koji finansijska sredstava obezbjeđuje Evropska Investiciona Banka (EIB), pridružile su se 44 općine iz cijele BiH (21 općina iz FBiH i 23 općine iz manjeg BH entiteta). Općina Tešanj se predmetnom projektu priključila 2010.godine, što je Općinsko vijeće prihvatilo Odlukom o prihvatanju kredita Evropske investicijske banke (EIB) za projekat Vodosnabdjevanje i sanitacija u FBiH (broj 01-02-1-3877/10, 22. sjednica 29.10.2010. godine) i Rješenjem o imenovanju Jedinice za implementaciju projekta (JIP) (Općinski načelnik, 19.10.2010. godine).


Ukupna vrijednost „Prikupljanje i prečišćavanje otpadnih voda općine Tešanj – Faza I“ je 12.893.432,00 €. Općina Tešanj je preuzela obavezu obezbijediti sredstva od 4,969,234 € iz vlastitog budžeta i drugih raspoloživih finansijskih izvora (budžeti viših nivoa, učešće građana), kao i 1.998.565,00 EUR iz IPA 2009 Granta (nepovratnih sredstava). Za završetak Projekta, neophodno je obezbijediti dodatnih 4,857.273,00 €. Upravo iz tog razloga, općina Tešanj je odlučila da podnese zahtjev za kredit od Evropske investicione banke (EIB), u skladu sa svojim finansijskim kapacitetom, u iznosu od 4.857.273,00 € kroz projekat „Vodosnabdjevanje i odvodnja otpadnih voda u Federaciji BiH“.

Kreditna sredstva	Budžeti (općina, ZDK, FBiH) i učešće građana	Grant (nepovratna) sredstva	UKUPNO
4.857.273 €	4.969.234 €	1.998.565 €	12.893.432 €
9.471.682,35 KM	9.690.006,30 KM	3.897.201,75 KM	25.142.192,40 KM

**Tabela 1 Finansijska konstrukcija 1. faze projekta**

Realizacijom prve faze predmetnog projekta (planirano do 2020. godine), biće obezbijeden priključak 25.000 korisnika (16.500 korisnika iz domaćinstava i 8.500 korisnika iz industrije) sistemom prikupljanja i odvodnje otpadnih voda na području općine Tešanj. Ovo obuhvata izgradnju cca. **109 km kanalizacionih vodova** (primarna, sekundarna i tercijarna mreža uključujući priključke) i **uređaj za prečišćavanja otpadnih voda** na uređaju kapaciteta 30.000 ES (ekvivalent stanovnika-jedinica mjere zagađenja vode prema jednom stanovniku). Trenutno su u toku aktivnosti na preispitivanju

moćnosti izvođenja zajedničkog centralnog postrojenja za prečišćavanje otpadnih voda za područje tri susjedne općine: Tešanj, Usora i Doboj-jug. Ove aktivnosti su podržane od strane Fonda za zaštitu okoliša FBiH, na temelju potpisanog Sporazuma između Fonda i Općinskih načelnika tri susjedne općine.



Slika 1 Situacioni prikaz 1. faze

Realizacija projekta “Prikupljanje i prečišćavanje otpadnih voda općine Tešanj – Faza I”, kroz obezbjeđenje kreditnih sredstava definisanih odrednicama Sporazuma o finansiranju, potpisanom između Europske investicione banke (EIB) i Bosne i Hercegovine, Federacije Bosne i Hercegovine 2008. godine. U svrhu pripreme projekta Jedinica za implementaciju projekta (JIP) pripremila je projektni prijedlog projekta koji je podnesen Federalnoj jedinici za implementaciju projekta (PMU FBiH), a putem PMU FBiH isti će biti prosljeđen prema konsultantu EIB-a na odobrenje tokom maja 2013. godine. Nakon dobijanja saglasnosti na Projektni prijedlog općine Tešanj od strane konsultanta EIB-a, u roku 30 dana očekuje se potpisivanja Ugovora o prosljeđivanju sredstava općini Tešanj kao krajnjem korisniku sredstava iz kredita Europske Investicione Banke (EIB). Potpisivanje Ugovora očekujemo u junu ili julu mjesecu.

Potrebno je istaknuti da su predstavnici općine Tešanj dali saglasnost na Dokument o politici prosljeđivanja sredstava krajnjim korisnicima kreditnih sredstava iz kredita Europske Investicione Banke (EIB), čime se stvorene pretpostavke za potpisivanje Ugovora o kreditiranju sa EIB-om, nakon dobijanja saglasnosti na Projektni prijedlog od strane konsultanta EIB-a.

U proteklom periodu u području studijsko-projektne dokumentacije, općina Tešanj je obezbijedila izradu slijedećih dokumenata:

- **Prikupljanje i prečišćavanje otpadnih voda na općini Tešanj – Studija**, izrađena od strane Zavoda za vodoprivredu d.d. Sarajevo, ES Hidrotehnika d.o.o. Sarajevo, Šifra projekta ZZV-KN-IR-411-1, Studija, Knjiga 1, 2011.
- **Idejno rješenje prikupljanja i prečišćavanja otpadnih voda na području općine Tešanj**, izrađeno od strane Zavoda za vodoprivredu d.d. Sarajevo, ES Hidrotehnika d.o.o. Sarajevo, Šifra projekta ZZV-KN-IR-411-1, Idejno rješenje transportnih sistema, Knjiga 2, 2011.
- **Idejni projekat dijela primarnih kolektora sistema prikupljanja i odvodnje na području općine Tešanj**, izrađeno od strane Zavoda za vodoprivredu d.d. Sarajevo, ES Hidrotehnika d.o.o. Sarajevo Šifra projekta ZZV-KN-IR-411-1, Idejno rješenje transportnih sistema, Knjige I-V, 2012.

Trenutno su u toku aktivnosti na izradi i obezbjeđenju:

- Studije izvodljivosti centralnog postrojenja otpadnih voda tri susjedne općine Tešanj, Usora i Doboju-jug,
- Izvedbenog projekta dijela primarnih kolektora sistema prikupljanja i odvodnje otpadnih voda na području općine Tešanj,
- Okolinsko-vodno-urbanističkih akata i dozvola za dalju realizaciju navedenog projekta.

Općinsko vijeće Tešanj u prethodnom sazivu, već je donijelo potrebne Odluke za kreditno zaduženje i pripremu projekta. Informacija je pripremljena kako bi vijećnici i javnost bili upoznati sa stepenom realizacije projekta.

PREDLAGAČ:  
Općinski načelnik

---

mr.sci. Suad Huskić